



Na osnovu člana 229. i 230. Zakona o privrednim društvima ("Službene novine Federacije BiH" br. 81/15) i člana 76. tačka 19. Statuta Javnog preduzeća Elektroprivreda Bosne i Hercegovine d.d. - Sarajevo, broj: SD - 5211/16 - 38/2. od 29.03.2016. godine, Nadzorni odbor Javnog preduzeća Elektroprivreda Bosne i Hercegovine d.d. - Sarajevo na 22. sjednici održanoj 26.05.2016. godine, donio je:

**O D L U K U**  
**o sazivanju Četrdesete (redovne) Skupštine Društva**

**Član 1.**

Četrdeseta (redovna) Skupština Društva održat će se dana 29.06.2016. godine u Sarajevu, u prostorijama Poslovno - tehničke zgrade JP Elektroprivreda BiH d.d. – Sarajevo, ulica Vilsonovo šetalište 15., s početkom u 10,00 sati.

Javno preduzeće Elektroprivreda Bosne i Hercegovine d.d. - Sarajevo, u cilju organiziranja Četrdesete (redovne) Skupštine Društva, objaviće u dnevnim novinama u Bosni i Hercegovini i svojoj web stranici Obavještenje o sazivanju Četrdesete (redovne) Skupštine Društva.

**Član 2.**

Za Četrdesetu (redovnu) Skupštinu Društva predlaže se slijedeći dnevni red:

1. Izbor radnih tijela Skupštine Društva:
  - a) Predsjednika,
  - b) zapisničara i dva ovjerivača zapisnika;
2. Usvajanje Izvještaja o poslovanju JP Elektroprivreda BiH d.d. - Sarajevo za 2015. godinu koji uključuje finansijske izvještaje, izvještaje vanjskog revizora i Odbora za reviziju o reviziji finansijskih izvještaja, Izvještaj o radu Nadzornog odbora i Izvještaj o radu Odbora za reviziju;
3. Donošenje Odluke o raspodjeli dobiti ostvarene u 2015. godini;

**Član 3.**

Imenuje se Odbor za glasanje Četrdesete Skupštine Društva u sastavu:

1. mr.sc. Amela Cikotić, dipl.pravnik - predsjednik,
2. Mirela Lončar, dipl.pravnik - član/zamjenik predsjednika,
3. Admir Kirlić, dipl.el.ing. - član,
4. Jasmin Idriz, dipl.pravnik - zamjenik člana,
5. Emina Kreštalica, dipl.ing.el. - zamjenik člana,
6. Lejla Mujčinović, dipl.pravnik - zamjenik člana.

**Član 4.**

Dioničar ili grupa dioničara s najmanje 5% ukupnog broja dionica s pravom glasa ima pravo pisano predložiti izmjenju dnevnog reda i prijedloga odluka Skupštine Društva, najkasnije osam dana od dana objavljivanja Obavještenja o sazivanju Skupštine Društva.

#### **Član 5.**

Pravo učešća u radu i odlučivanju Četrdesete Skupštine Društva imaju dioničari upisani u listu dioničara JP Elektroprivreda BiH d.d. - Sarajevo kod Registra vrijednosnih papira u Federaciji BiH 30 dana prije datuma održavanja Skupštine ili posljednjeg radnog dana koji prethodi tom roku ako on pada u neradni dan.

#### **Član 6.**

Pravo učešća u radu i odlučivanju Četrdesete Skupštine Društva dioničar može ostvariti lično ili putem punomoćnika, koji može biti svaka poslovno sposobna fizička osoba ili pravna osoba registrovana za poslove posredovanja u prometu vrijednosnih papira i udruženja sa statusom pravne osobe osnovano i registrovano radi udruživanja i zastupanja dioničara u kojem slučaju ovlasti iz punomoći vrši zakonski ili opunomoćeni zastupnik takve pravne osobe.

Jednog dioničara na skupštini može zastupati samo jedan punomoćnik.

#### **Član 7.**

Svi zainteresirani dioničari ili njihovi punomoćnici dužni su se prijaviti za učešće u radu i odlučivanju Četrdesete Skupštine Društva najkasnije tri dana prije dana zakazanog za održavanje Skupštine Društva, lično, faksom, e-mailom ili preporučenom poštom na adresu JP Elektroprivreda BiH d.d. - Sarajevo, ul. Wilsonovo šetalište 15, Sarajevo s naznakom " Za Odbor za glasanje".

#### **Član 8.**

Punomoć za učešće u radu Skupštine Društva daje se nakon objavljivanja Obavještenja o sazivanju Skupštine u obliku pisane izjave, potpisane od dioničara i punomoćnika, ovjerene u skladu sa propisima, a dostavlja se Društvu lično, poštanskom pošiljkom, faksom ili e-mailom.

Punomoć se predaje prilikom podnošenja prijave za učešće u radu i odlučivanju Skupštine Društva i ukoliko nije dostavljen original isti se dostavlja na samoj Skupštini.

Punomoć mora sadržavati ovlaštenje za zastupanje dioničara Društva u okviru dnevnog reda Skupštine Društva. Pored teksta punomoći, Punomoć obavezno treba da sadrži podatke o dioničaru, adresu, identifikacioni broj, odnosno JMBG-davatelja punomoći, kao i iste podatke za punomoćnika.

#### **Član 9.**

Dioničar ili njegov punomoćnik i zajednički zastupnik dioničara dužni su podnijeti Odboru za glasanje potvrdu o podnošenju prijave za učešće u radu i odlučivanju Skupštine Društva.

Potvrda se podnosi u prostoriji u kojoj se održava Skupština Društva ili u prostoriji naznačenoj u obavještenju za sazivanje Skupštine Društva, najkasnije 30 minuta prije vremena određenog za početak sjednice Skupštine.

#### **Član 10.**

Glasanje na Četrdesetoj Skupštini odvija se putem glasačkih listića koji sadrže: ime ili firmu dioničara i broj glasova kojim raspolaže.

#### **Član 11.**

Ostale aktivnosti u vezi organizacije i održavanja Četrdesete Skupštine Društva provest će se u skladu sa Zakonom o privrednim društvima i Poslovníkom o radu Skupštine Društva.

**Član 12.**

Tekst Obavještenja o sazivanju Skupštine Društva sastavni je dio ove Odluke.

**Član 13.**

Ova Odluka stupa na snagu danom donošenja.

Broj: NO – 15360/16 – 22/4.3.  
Sarajevo, 26.05.2016. godine



Predsjednik  
Nadzornog odbora

Adnan Terzić



Na osnovu člana 229. i 230. Zakona o privrednim društvima ("Službene novine Federacije BiH" br. 81/15) i člana 76. tačka 19. Statuta Javnog preduzeća Elektroprivreda Bosne i Hercegovine d.d. - Sarajevo, broj: SD-5211/16-38/2. od 29.03.2016. godine, Nadzorni odbor Javnog preduzeća Elektroprivreda Bosne i Hercegovine d.d. - Sarajevo na 23. vanrednoj sjednici održanoj 01.06.2016. godine, donio je:

**O D L U K U**  
**o dopuni Odluke sazivanju Četrdesete (redovne) Skupštine Društva**

**Član 1.**

Član 2. Odluke o sazivanju Četrdesete (redovna) Skupština Društva broj: NO – 15360/16 – 22/4.3. od 26.05.2016. godine dopunjuje se tačkom 4. i tačkom 5. dnevnog reda:

4. *"Donošenje odluka o dopunama odluka o dokapitalizaciji ulaganjem u zavisna društva – rudnike uglja:*
  - 4.1. *Donošenje Odluke o dopuni Odluke o dokapitalizaciji ulaganjem u JP Elektroprivreda BiH d.d.- Sarajevo, ZD RMU "Abid Lolić" d.o.o. –Travnik – Bila broj: SD-5211/16-38/6.c. od 29.03.2016. godine;*
  - 4.2. *Donošenje Odluke o dopuni Odluke o dokapitalizaciji ulaganjem u JP Elektroprivreda BiH d.d.- Sarajevo, ZD RMU "Zenica" d.o.o. Zenica broj: SD-34769/15-37/5. od 29.12.2015. godine".*
5. *"Donošenje Odluke o odobravanju Prijedloga Statuta o izmjenama i dopunama Statuta JP Elektroprivreda BiH d.d. – Sarajevo, Zavisno društvo RMU "Đurđevik" d.o.o. Đurđevik".*

**Član 2.**

Tačka II Obavještenja o sazivanju Četrdesete (redovne) Skupštine Društva, koje je sastavni dio Odluke o sazivanju Četrdesete (redovne) Skupštine Društva broj: NO – 15360/16 – 22/4.3. od 26.05.2016. godine dopunjuje se tačkom 4. i tačkom 5. dnevnog reda i glasi:

4. *"Donošenje odluka o dopunama odluka o dokapitalizaciji ulaganjem u zavisna društva – rudnike uglja:*
  - 4.1. *Donošenje Odluke o dopuni Odluke o dokapitalizaciji ulaganjem u JP Elektroprivreda BiH d.d.- Sarajevo, ZD RMU "Abid Lolić" d.o.o. –Travnik – Bila broj: SD-5211/16-38/6.c. od 29.03.2016. godine;*
  - 4.2. *Donošenje Odluke o dopuni Odluke o dokapitalizaciji ulaganjem u JP Elektroprivreda BiH d.d.- Sarajevo, ZD RMU "Zenica" d.o.o. Zenica broj: SD-34769/15-37/5. od 29.12.2015. godine".*
5. *"Donošenje Odluke o odobravanju Prijedloga Statuta o izmjenama i dopunama Statuta JP Elektroprivreda BiH d.d. – Sarajevo, Zavisno društvo RMU "Đurđevik" d.o.o. Đurđevik".*

**Član 3.**

Prečišćeni tekst Obavještenja o sazivanju Skupštine Društva sastavni je dio ove Odluke.

**Član 4.**

Ova Odluka stupa na snagu danom donošenja.

Broj: NO - 16756/16 -23 V/3 .  
Sarajevo, 01.06.2016. godine

Predsjednik  
Nadzornog odbora



Adnan Terzić